



Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

IV. De Gula. Ejus mala & remedia. Quae sint indicia devictae gulæ.

urn:nbn:de:hbz:466:1-10805

tibi lis foret, omnis cogitatio tua, omnis sermocinatio circa illam occuparetur; nec subsidia parare cessares, ut pro te Judices sententiam ferrent: extremo autem judicio imminentem, è quo pender æternitas, rides, nugaris, peccas, in æternum perituras? Ah! define tandem insanire, & à vitiis emergens, sic forma quotidie animum, tamquam ad extreum ventum sit. Vera philosophia hæc est, quād maximè fieri potest, hanc animam è corpore educere, & separare.

7. Hoc sit negotium tuum, hoc otium; hic labor, hæc quies, subducere te tempori, & immergere æternitati. Fixum semper & immobile stat, quod in jura transit æternitatis. Avarus epulo aquæ stillam post tot saecula adhuc petit; & perpetuo mugitu frustra rogabit. Æternitas est duratio semper præsens, nunquam sine suspirio, & horrore nominanda: est rota que semper volvitur: est juge, interminatum, semperque inchoans principium. Seria ejus cogitatio mundi delitii miscet absynthia; lethalique mœrō attonitos homines, ac veluti sideratos, dejicit. Hæc animam rebellem domat, & curis inanibus indormiscentem excitat ad virtutem: hæc famem, & sitim condit: hæc omnem laborem facilem, jucundum omnem dolorem, omnem poenam suavem, & brevem esse persuader. Impleantur numericis notis ingentia cœlia spacia, quacunque in immensum protenduntur. Quis præter Deum poterit hanc propemodum infinitam numerorum seriem exprimere? Hi tamen numeri innumerabiles nec initium quidem æternitatis sunt. Tot annis, tot saecula labantur, quot sunt in illis unitates; nondum aliquid de æternitate decepsit. Nondum pervenerunt ad desperatissimæ æternitatis initium infelicissimi mortales, qui perpetuo inferni incendio cruciantur. Ad hanc considerationem si non horre scis, si vitam seriò non emendas, quovis faxo durior es.

C A P U T IV.

De Gula. Ejus mala, & remedia. Quae sint indicia devitiae gulae.

1. PRimum tibi certamen adversus gulæ vietum ineundum est, quæ pabulum cœteris subministrat. Morti corporis & animæ nos gula iniçavit. Primi enim parentes nostri, pom

interdicti esu omnes homines, antequam gignerent, peremerunt. Nunc cædem animarum hostes utuntur; ut enervato omni vigore nos proterant, & conculcent. Hinc stupor, languor, & tædium: hinc scurrilitas, loquacitas, dissolutio: hinc immunditia, rigæ, contentiones: hinc mentis hebetudo, destrœctio omnium virtutum. Hinc rei familiaris profusio: hinc egestas: hinc longa morborum series, & ipsa deinde mors, graviori ciborum sarcinâ accelerata. Pauci sunt infirmi, quos gula ad ægritudinem non adegerit. Nam si noxiis humoribus, ex nimio cibo, & potu congestis, careat corpus, tentari quidem à morbo, sed non subigi posset. *Plures occidit gula, quam gladius.*

2. O vilissimam ventris servitatem, ô inexplebilem cupiditatem! Modicum tibi corpus natura præbuit, vincis tamen vastissimorum, & edacissimorum animalium aviditatem. Taurus paucorum jugerū pascuū impletur; una sylva plures nutrit elephantes: tibi angustus est Orbis; non sufficit ventri tuo, quicquid volat in aere, quicquid natat in undis, quicquid latet in sylvis. Aspice potentum culinas, & concursantes inter tot ignes coquos: vide servorum, & ancillarum sudantem cohortem: vide stragam animalium, & natantia vino penuria: observa, quanta sollicitudine argentum ordinant pueri; quantâ arte disponunt fercula, inferunt patinas, scindunt aves: quantâ celeritate discurrent ad ministeria. Vix credes unam esse domum, cui tot Consulū, & Regnorum vina promuntur; cui mensa tanto tumultu apparantur. Non præcipio ut subtrahas ventri alimenta. Contumax est; non potestvinci, quotidiano indiget cibo. Verum latet hic dolus, & subtilissimus concupiscentiae laqueus; quo sœpe anima irretitur, obtentu necessitatis, negotium obumbras voluntatis. Vis scire, quād parvo fames extinguitur? Te ipsum numera, metire corpus, flomachum consule. Scies, non esse necessarium, quod mensuram excedit. Naturæ pauca sufficiunt, luxuriae nihil.

3. Fames non est ambitiosa; contenta desinere, quo desinat non querit. Elapo momentaneo palati judicio, non suavius sapit pretiosum, quam vile. Si esuris, edendum est: si sitis, bibendum. Sed utrum panis plebeius sit, an sanguineus: utrum aqua ex proximo amne excepta, an multa nive refrigerata, nihil pertinet ad naturam. Hoc unum illa jubet, sedari famem, sitim extingui. Pisces è supero, inferoque mari, à flu-

à fluiis, & lacubus evocati, detractæ è celo
aves, eruptæ è sylvis feræ, diversa vini genera,
& omnia Apicci condimenta, infelicitas luxurias
tormenta sunt. Epicurus sobrium viatum volun-
tatis gratiâ commendat: nihil est enim tam lau-
tum, quod nausea non reddat insipidum; nihil
tam inluave, quod delicatum non faciat fames.
Vis omnem cibi & potus superfluum curam ab-
cere? exitum specta. Cito morieris, & corpus
istud, tanta epularum varietate nutritum, fecdis
vermibus pabulum erit. Considera, quali convi-
vio te escam præparas; & sic carnem nutri, ne
mentem opprimas. Cibo utere, qui parabilis sit,
& ubique occurrens, nec patrimonio grayis, nec
valetudini. Magna pars libertatis est, bene mora-
tus venter, & patientis consumeliz. Multa quam
superflua essent non intelleximus, nisi cum
deesse coepérunt. Eget corpus alimoniam, non cu-
pediis, aut lauitis.

4. Non est autem quòd te laudes, si contem-
pseris superflua. Tunc laudabilis eris, cùm con-
tempseris necessaria: cùm tibi persuaseris, for-
didum panem ad viatum; modicum vinum & de-
bile, vel aquâ debilitatum, ad potum satis es-
se: cùm didiceris, herbas non tantum pecori,
sed homini quoque nasci. Tunc te admirabor,
cùm solam necessitatem, ac virium reparatio-
nem, Deique gloriam, in cibo sumendo specta-
bis: cùm lauiores epulas, & magnatum convi-
via contempseris: cùm invitatus ad mensam acce-
des, sicque alimenta sumes, quemadmodum
pharmacum ægroti: cùm voluptatem gustus,
quia tolli non potest, compescere & moderari
studueris: cùm tibi molestum fuerit, quidpiam
deliciatus, valetudine exigente, accipere: cùm
verâ denique mentis & corporis puritate imbutus
fueris. Non enim in corporis attenuatione pro-
batio abstinentiæ sita est, sed in perfectione casti-
tatis.

CAPUT. V.

*De Luxuria. Quā turpe sit hoc vitium.
Quā facilis in id lapsus, & quomodo
evitandus. Voluptas animi seßanda, que
solida est.*

5. **N**ullum vitium isto turpius: nullum, de-
quo magis erubescamus. Vel nudum ip-
sus nomen non carere ignominia edixit. Aposto-
lus, præcipiens, ut que hujusmodi sunt, nec nomi-
nentur in nobis. Hinc ille pudor, quo solent in-
genui ac probi homines affici, si semel admissum

aliquid immunditas peccatum aliis innotuisse
suspiciuntur. Hinc lubricos adolescentiæ errores
quidam in secretissimo pœnitentiæ tribunalii mi-
nistri Christi abscondunt, æternâ potius tor-
menta, cum æterno dedecore, subire post mor-
tem eligentes, quām imaginariam hujus vitiū in-
famiam in hac vita. Huic autem limo infixus vix
emergit. Conclamata est ejus salus, quem hæc
lues infecit. Quid enim possunt ad hoc humanæ
vires? Nemo potest esse continens, nisi Deus det.

2. Primum itaque hujus morbi remedium,
fervens ad Deum oratio est, ut ipse te sanet &
præservet, qui solus potest. Tum impuris cogitationibus resistere in ipso accessu oportet, eâ cele-
ritate, quā ignitum carbonem excutis à vesti-
mento. Væ tibi, si te semel dimiseris ad aliquid
quantumvis minimum in hoc genere deliberan-
dum. Proxima ditioni est arx, cuius gubernator
incipit cum hoste miscere colloquia. Omnis
item præcidenda pravitatis occasio ab otio, à
gula, ab omni specie impura, à malorum convi-
ctu, & societate: nec quidquam in hac lucta ne-
gligendum. Sunt etiam in justis quedam hujus
vitiū reliquiae, omnino extirpanda: est latens
quidam serpentis sibilus: sunt quedam affectiunculae;
quæ tametsi malæ non sint, sunt tamen
principia peccatis præludentia, quibus sensim si-
ne lenitu fascinata mens, nisi statim abrumpas, ad-
hærebit. Nunquam magnus eris, si hæc minima
spreveris. Magna à parvis initium sumunt.

3. Ante omnia cavendum, ne te nimia tui fi-
ducia decipiatur. Quisquis non timuit, jam lapsus
est. Quot & quales viri post confessiones, & vi-
ctorias; post signa & magnalia, incauto fœminæ
aspectu, corruerunt? Non affero hic Sam-
sonis, Davidis, & Salomonis, toties decan-
tata exempla. Sunt alia recentiora, & quotidiana.
Et ut despot aliena, habes tu ipse in te, unde
erubescas; unde discas, non altum sapere,
sed timere. Nonne extremæ dementiae est, in-
ter tot omnium ætatum & gentium documenta
adhuc aliquid audere, & non vitare discriminem?
sed hæc est semper humanæ pervicaciæ incredu-
litas, ut nunquam credat alios cecidisse, nisi &
se viderit interire. Facta est mulier à Deo adju-
trix viri; sed dolo serpentis personam sumit
hostilem. Nihil in illa, nisi quod feriat, quod
urar, quod interficiat. Nulla est hyæna, nullus
basiliscus, qui cum illius voce & oculis confer-
ri possit. Ah! fuge ejus aspectum; fuge collo-
quium,